


白
法師全集

和.6
1084
21

廿一



和6
1084
21


畫睡偶成寄玉臺文定上人

老脚春還短
名山夢每登
玉臺天上寺
文定意中僧
得法休藏鉢
傳心信有燈
道人北窓下
一枕一骨騰

春日書事

開年今日雨
疎柳小塘春
紫燕將歸社
黃鸝欲喚人
未明事南畝
選日聘西賓
元亮朝朝醉
江村白酒新

春日江村



白香山全集 卷七 三
時候花先覺陰晴鳥自知登山嫌避客得句樂
呼兒蔓草披香徑垂楊覆淺漪美人期未至江
月幾盈虧
草帶籬腰綠花簪石頂紅林園開晝景鶯燕語
春風山靄霏霏合江流渺渺東獨來橋畔路高
在過看筇

驛吏送酒

市榼通郵吏三杯洗侍兒十分春意思一副酒
肝脾江嶺長看畫風花不盡詩混然天地內公

是醉鄉誰

春日醉中言懷

山林亦朝市朝市亦山林兩鬢白於舊三杯狂
到今子雲休儼賦元亮已忘琴南山千丈石可
以明我心

古人不可見空見古人心春風開我錢流水到
誰琴無說可傳後何才敢議今玉臺花信少扶
杖更西林

與客談詩

風雅餘三百唐音僅幾家
夢猶將影說癢莫隔靴
爬豈是安排得胡爲孟
浪誇超然不到處應是
用心差

雨中李世卿往還

助談風滿席伴宿月流
衾貧賤交游冷江山脚
跡深惠連何處夢孟母
此時心稍歇松齋雨還
來辨繡針

得林憲副待用書有懷故友張兼素

蹇蹇張兼素從君致匪躬
天來今日定書展故

人封賈傅生還慟湘纍
死亦忠平生兩行淚萬
里寄秋風

寄容貫圭峯

西峯扶策上病骨快新涼
乞米分僧飯聞香過梵
堂閉門秋竹靜語鳥暮
鐘藏浩浩蒲團上還同
在醉鄉

落日荒臺上疎松古塔
邊身体論出世趣欲到
無絃峯閣初生月渠通
自到泉西菴憑借問許
仁過殘年

江村晚望寄世卿圭峯

一望一延緣諸山進目前鄉邦無一老知舊半
重泉黃葉寺旁下白雲池上連無窮幽澗水日
夜注東川

贈黃進士廷章還京

錦衣在親旁飲酒日百觴樂處嫌春短離心向
夜長青雲冠蓋起黃甲姓名香五色持文綫千
年補舜裳

白雀羣飛益高

取勢翩翩上江空暮雨餘情輕鳩並婦聲細雁
呼奴白雪灑孤嶂青天開一圖安能隨炸蟻跳
躑在泥塗

得林別駕書云去秋九月嘗夢予於廣信
舟中兼示道路所聞

潦倒年斯邁芳菲日自遲忽聞天上夢又落世
間疑扛鼎須憑力無才敢與知涪翁亦秋思謾
寄穎濱詩

重過大忠祠

宋有中流柱三人吾所欽青山遺此廟終古厭
人心月到厓門白神遊海霧深興亾誰復道猿
鳥莫哀吟

春陰偶作寄定山

浩浩川流疾冥冥嶺樹陰共憐春錯莫更覺老
侵尋宿雨衰花氣朝陽絕鳥吟誰能盡天道俛
仰此懷深

次韻寄廷實

起剝吾音謝親賓在世寧須此如公故

可人百年應得見一面始能親獨向湘江去無
忘越嶺春

無才備作吏有酒喜留賓老更耽高臥時還近
俗人鐘鳴山寺遠月出土床親何處期吾子笙
歌玉洞春

築室

垂老無筋力寧非板築人居常只謾過卽事始
知貧海國秋風早山房夜氣新癡兒解了事吾
坐養吾真

白沙子全集 卷七
一室無多事貧家每作難從來無厚積况復不能慳貸粟千知友營材入遠山三間開土閣聊得奉慈顏

送景易赴秋試

未達窮通理難忘得失心安能謝朝市且莫厭山林烹鼎須兼味吹竽當好音文章無定價救帚不論金

圖新書舍懷世卿時別白沙半月

月上齋垣白疎梅共主賓偶來對月飲不見如

花人已覺書難至常疑夢與親海山猶在眼何處却逢春

龍眼

龍眼何年種嗟嗟舊主人卑柯今蔽日腐骨已成塵春雨沾花足秋蟲食實頻流形非木石鬢脚半搔銀

始聞秋風作

西風中夜起天地始肅清白雁霜前意玄蟬露下聲幽人亦何事版築初經營何時登此閣坐

望羅浮征

題容氏輓冊

中秋悲蹟掃秋思忽依依此夜月還照何年鶴
始歸猿啼新宰木巷納舊簑衣大塊終同爾誰
能駐落暉

梅花

山竹深深逕梅花淺淺塘清冷朝弄影芬馥夜
浮香瘦骨交撐月橫梢直過墻啄英終飽德靈
鳳或來翔

探梅非探梅梅花滿玉臺北風吹盡日疎雪點
荒苔色得乾坤正精成造化胎無人知老子剛
坐一牛來

何處尋梅好羅浮海上春樹環鐵橋盡地與葛
仙隣煉藥香生鼎板崖影落身西湖千頃水未
洗往來塵

彼美枝頭雪微韜嶺上雲低迷明月寺掩映葛
洪墳北海罇能倒西湖地索分幽香偷未得衫
袖細氤氳

手種梅千樹山寒半欲花歲闌知此意溪上問
誰家素豔明爭雪青蘿倒縮蛇還須邵康節來
駕白牛車

逐客

笛聲且莫哀逐客過江隈還到此邊去盡因何
事來著書多在篋遇酒輒啣杯莫言生意盡寒
雨濕枯荻

得張主事廷實書

十口雖無累三年不易更春雷轟令問枯木嚼

官情長夜鄉心切何時會計成登高望東海到
眼是蓬瀛

新涼欺老臂索被過殘更月到思君處書通在
客情有家寧免累作吏轉難成日踏皮鞋破思
量舊閭瀛

三口丘園舊離羣跡半更幾時重見面中夜獨
馳情眠食今何似頭顱尚可成定山名教頂賀
老却登瀛

持燭圭峯寺宵談僕屢更一爲方外友都及世

間情面壁僧猶在栽蓮社未成孤舟破危浪載
月下東瀛

次韻寄潘時用

文章豪自寄丘壑靜還更久病依人世長貧慙
婦情辰婦岳氏嗜人為知己惜天與後生成更
約齊州外從吾泛大瀛

久雨

樹隱雲深黑籬崩水亂流凌風快燕子上壁定
蝸牛老更憐兒病人多為草憂朝朝稽叔夜誰

辨不梳頭

用韻寄姜進士仁夫

書愛八分小來書喻率更雲霄初接武江海尚
留情世事非難料人才怕小成諸賢須汲汲吾
老獨觀瀛

用韻寄林緝熙平湖

秋懷耿不寐更靜復聞更水向漫漫注心舍種
種情士應強到底官豈怠將成舊業羅浮外東
南望隔瀛

用韻効寒山

貧賤耻爲拙富榮常好更高論古今事中懷名利情堂堂無復見小小或能成浪說神仙在從來不住瀛

四郊多竊盜村裏夜支更爲語長官道能無患盜情家家愁日暮處處望秋成饑甍飽倉粟苦海變蓬瀛

贈劉程鄉別

蕭菴今又別酒醒望圭峯秋色此溪樹暝烟何

處鐘功名悲夢蝶文字耻雕蟲故里荒墳在歸來拜一峯

病疥用後山韻寫懷

癢極肌難忍爬深血有稜老親今就枕小婢問留燈屋漏頻推瓦床搖屢束藤同袍誰問疾端愧玉臺僧呻吟不盡痛夕枕傍葱幃安得身長健朝朝見絲衣無膚臀奄赤乍腫臂疑肥睡過西廊月寒空淡不輝

白澗先生集 卷七
缺月生殘夜微風引洞簫心閑髮少白人老病
難消出戶行看月移舟釣落潮酒錢不拄杖著
處解奴腰
病枕愁更永籠燈對夜長千年無飽叔一懶有
柴桑兒請栽瓜地妻評作麩方花時呼酒伴酌
酌出扶墻

贈黎蕭二生別

白髮孤燈坐青春二妙來若無天地量爭得聖
胚胎至樂終難說真知不着倩濛濛烟雨裏歸

思若爲裁

野坐

團蓋青松午重裊綠草春野晴鶯得意花盛蝶
傷神斷靄生西塢殘潮下暝津竹根酣其臥不
覺蘚沾身

梅花

世傳詠梅句天下其稱奇花有無言妙人間都
未知正嗟同賞絕又過半開時安得邵康節爲
我問庖羲

風月交游淡江山几席閑夜深花睡去時有夢
來還引步尋香易無心弄影難乾坤留此妙何
處覓孤山

謝客

客舫初辭岸主翁仍在床十年今轉數一飯故
難償竹杪風生汗天邊雨送涼所思王叔度歲
晚得同嘗

漾漾湖侵岸蕭蕭風引旗問兒打鼓處是客發
船時鬻屨時將暮迎門俗久衰祗應巢許輩掩

口笑人癡

寒雨中作

有期久不至旦旦問童奴雨過荆扉濕風回樹
葉疎興移剡溪舫詩在灞橋驢風韻今誰繼下
年勝事虛

喜梁文冠至

駐槩梅村夜風光勝早春直知花是路不覺月
隨身草木皆知舊江湖多賤貧短蓑來往數等
是最閑人

雨中栽竹

心被清虛引非關索竹看檐前纔數個淇上已
千竿微雨土初覆北風天正寒昆丘有孤鳳何
處喙琅玕

楚雲臺呈世卿

三杯拈鐵遂見月上瑤臺初弄山石裂再轟仙
鶴來夜闌試靜聽曲罷仍遲回何必揚州去前
村多美醅

行窩還幾處雲水且吾臺雨脚風吹斷潮頭月
湧來野橋牽木渡沙逕逐牛回亦有採樵者放
歌行負醅

有月嚴光瀨無金郭隗臺悠悠百年內又見一
人來水檻秋逾好山雲暝欲回相逢各心醉一
語浹春醅

爽氣通秋服溪流靜晚臺高樓多自愜真賞復
誰來對月詩方妙看山夢始回市沽堪便醉况
乃是家醅

寄吳明府同世卿遊玉臺

圭峯雨初霽策馬向松關流泉忽滿澗白雲長
在山棄置千般事來投半日閑上方禪榻靜坐
到暮鐘還

生日答吳明府獻臣

生日何人記南枝報長官酒香同客醉花火避
人看後甲惟元祀浮生又五寒凭軒一長嘯風
日滿江山

尋梅飲李鴻宅用服周韻

今晨風日佳策杖去尋梅獨樹山中老危枝石

上開時看殘臘盡人望早春來誰解忘情得神
功付此杯

贈世卿別

客路經南岳湘帆背岳開江湖閑老夢歲月是
君來相見兒童喜別離琴瑟哀惟應楚雲外更
起聖仙臺

豈無千日酒花下與君同客思朝臨水歸旗夜
引風一樣當浦口

謂莊定山

一枕在遼東

謂賀克恭

何事

今爲別藤蓑還贈公

世卿乞予藤蓑贈之

白雲子全集 卷七 四四
贈世卿遊山
萬丈崑崙頂冥棲憶老關君看白龍水何似黃
公山有酒終日醉無官到處開南風乃何意又
送楚舟還
朝來生紫氣此地一函關帽頂花沾雨雲中人
下山相逢欲大笑不語是真閑晚向東亭醉猶
能騎馬還

世卿將歸

會有還鄉意深慙不自量母留兒作伴妻爲客

求漿臺榜明朝旭松堂閉夜涼延緣過殘夏滿
意泛瀟湘

與君雲水別何夢得商量合是真調鼎能忘老
賣漿還山非早計舉棹是秋涼有路通衡岳無
詩弔楚湘

贈饒鑑

君又去東津東津月送人周游千里道細問百
年身野色淡將暝江桃疑是春丹青如可贈畫
我小崑崙

梅花

草木自有性湖山更乞靈冰霜仙骨瘦桃李世
情腥惹袖香全別和羹子未青未須携鐵笛吹
月上湖亭

喜何竹窓重過白沙話舊贈之

此君爲別久不逐衆芳彫白葛身已老青雲卽
獨超春風吹細浪落日泛輕橈楚雲有高樹未
肯挂公瓢

憶年四十許公第立如山行止相料理漁樵共

往還餘情空耿耿秋鬢各斑斑不是公憐我清
顏誰更攀

聞林緝熙初歸自平湖寄之

短世淵明醉長愁子美譌高情誰復爾久別公
如何淡月初出浦好風來颺蓑買田滄海上耕
亦不須多

張地曹寄林縣博用韻答之

無心雲自在得意鳥同譌白骨可人醉

杜詩古
人白骨

生青苔如何
不飲令心哀蒼生如命何漁樵真有道烟水別

傳蓑想見滄溟外東南月更多

安得李太白樽前同爾譔自從識象罔未始離
無何草長遊人路風鳴桂樹蓑東鄰古大嫂拊
口笑何多

和子長民澤論詩寄興羅浮之作

飛雲干老夢拉作騁遙臨揮手謝人世聞歌生
我心今年春又過何處洞還深相憶山樓暮依
依向遠岑

再用韻示諸生

賢聖低回久千年想一臨希顏非樂道疑孟失
求心逸駕行應速寒泉汲務深嘗聞根本學不
盡泰山岑

贈李司訓別

江門雲水地不絕往來交已恨栽花晚寧辭抱
甕澆月疑窓下枕風語樹頭歌精舍明朝別何
時還見招

再次寫懷

孤形將影任一臂與誰交矯矯志欲競棲棲習

恐澆江山一得手風月盡歸瓢始覺逍遙外人
間未易招

代簡會府尊林先生慶老母生日

有母年齡暮逢辰喜懼深多儀安敢却揣分故
難任錦段拈香拜仙醅洗觥斟獨慙非節孝未
了百年心

秋坐碧玉樓

造次中秋過商量九日來詩將秋景淡菊共老
人開時節陶潛醉江山宋玉哀平生滄海意不

受白鷗猜

山中猶遠志小草已人間

近得東白先生書在山遠志出山小草故

及不是無經濟誰能斷往還江魚肥入饌霜橘
綠堆盤問我心何任紅藤拄杖端

碧玉架雲端朝朝倚玉看時情膏火裏世事奕
棋間古榻多便靜華簪不博閑籬根散髮醉又
對菊花斑

夢楊敷道定山事

夢語者為誰湖西舊見之聊寬野老意未了定

山疑貧病吾猶是多愁俗豈知百年將滿日心
亂不成詩

九日嘉會樓登高

引步下前除兒扶杖亦扶會於何處勝客有去
年無天道常流轉園林又變疎暫留賞今日醉
莫看茱萸
兼有吟詩病何妨著酒扶景逢佳處少句向覓
時無醉去乾坤小醒來伴侶疎今朝嘉會會亦
盡看茱萸

半酣壺矢折又減兩三扶九日江門有千年粟
里無山形當晚瘦腳跡向秋疎問我登高去都
忘菊與萸

溪邊菊一區溪竹兩相扶草木從吾好風霜殺
此無閑同九日醉浩笑一生疎試問干雲檜何
如小泝萸

楚雲臺觀民澤所栽菊寄民澤用作九日
韻時民澤還五竿未返

當軒玉朶孤植竹翠莖扶香細風初動神清俗

白沙子全集 卷七
本無寒深溪井澗月出山飄疎何處異鄉客永
懷歌茱萸

野菊吟寄子長再次

野菊生何處尋香杖偶扶孤標猶訝絕佳色舊
知無老弄真成獨秋來不作疎金樽誰九日引
滿對茱萸

吳明府送菊次韻答之

黃菊有名花淵明無酒官酒多人自醉花好月
同看老未厭人世天教共歲寒未應攜不去高

步蓬萊山

答周潮州萬里

今代潮州守濂溪是一門乾坤吾道在歲月此
心存行次天邊路書投海上村夕愁空竚望風
雨暗高原

汪巡按見訪

嶺南經略地柱史不謀身料理安危事更張交
武臣風行光動草寒極正開春傾蓋江樓暮揮
杯勸故人

白雲子全集 卷七
寄題小圓岡書屋和民澤韻

四野雲飛盡圓岡一室清至虛元受道真隱或
逃名有疏微言塞無爲大業成一聲聞絕唱五
岳看全輕

劉少叅見寄次韻奉答

西川一杯水爲我浣詩塵身落滄溟遠心將翰
墨親江樓初見客野徑別藏春十郡停車地千
峯擊壤民

贈李世卿

楚客復歸楚青山此送君往來十年破精力半
生分著意當時見留情異代聞若非真有見何
處謝浮雲

三尺短春蓑山風吹薜蘿人材非管樂吾道本
丘軻送老諸名岳全生一病窩相思憑寄語路
打祝融過

落日蒼梧望清風發棹謳楚山正西上江水自
東流作伴春攜酒談詩月滿舟洞庭看未透更
上岳陽樓

題黃公釣臺

小小離人意，羊裘却未工。今人多白眼，爲我謝黃公。
弄釣浮沉見，登庖檢刺空。浩歌泉石裏，况有古人風。

曉枕示湛雨龔曰高

二千六百丈，脚底是飛雲。悠悠四十年，欲往念徒勤。
多謝紅藤子，扶吾還數君。鐵橋問何如，見景勝於聞。

萬年如一瞬，莫問我浮生。風雨將秋至，山河載月明。
語簷幽鳥樂，對竹小童清。夜夜湘江夢，與君何日行。

再和曉枕寄廷實

仰見雙白鶴，高飛入紫雲。苟無脫俗意，安用看山勤。
好句能傳我，幽期敢後君。異時鐵橋詠，莫遣世人聞。

萬往皆有復，左車不復生。西風今夜起，朗月四山明。
天馬非常步，鐵橋相伴清。去去莫復顧，衡山頂上行。

曉枕再和

平生老黃石引望空白雲無人知感激爲我盡
殷勤何處尋吾契名山訪道君洞天三十六步
步聲相聞

外生卽非死胡爲樂久生去來大化內俗眼未
分明我壽元無極君才亦太清五峯南斗上何
日踏歌行

中秋

平樓時穩步身虛欲翩翩明日秋始半中天月

最圓武昌書未返督府句堪傳衡岳那能去羅
浮何處烟

廣翼天自然浮雲任飄翩隨時有憂樂與物無
方圓酒底月未咽水中神莫傳去年今夜艇五
欲破湘烟

彭司寇挽詞

男子固多奇如公更不疑經綸思昔日功業闕
當時鬼幸村巫小棋還國手知杜陵秋月下興
盡八哀詩

白沙三金集 卷七 五
侃侃亦間間行違榜要津鳥還江上暝人老世
間春祿盡休言命愁多不爲親武夷最高處東
望一沾巾

斗氣空遺劔牀登不照琴春懷不自得老病忽
相尋事往浮雲夢山餘宿草心平生孺子意絮
酒一何深

題雲津書院太和劉氏

雲津杳何許試向卷中尋不覩六經教空餘百
代心嵩陽思識面白鹿尚遺音家有鴛鴦譜何

須更問針

春日寫懷

水際尋芳去花枝隔水新可憐今日望不是向
來人紫袖垂垂下黃鸝樹樹春東風天外至南
岳夢中身

一觴復一曲不覺夕陽殘好景我只醉春風人
未閒青紅今滿路風日未登山何如海中鳥鼓
翅蓬萊間

贈周文都

白洲先生集 卷七
君行無日矣奈此別離何道遠書難寄年衰病
更多行行慎自愛浩浩不同波若見東山比微
言其琢磨

贈黃希顏春試

北風雨如注是底別離時黃色眉端動青雲足
下馳兒童酣世豢國士醒心期去去江流疾還
君一贈詩

詩罷懷白洲先生

山東無近耗 白洲時為山東左方伯 海上立斜暉童子覓

牛去漁翁罷釣歸登舟人欲別 周文都赴會試將行 見月
鳥還飛何限相思意千峯獨掩扉

贈丁一桂

初日照甘棠千門一炷香南風催返棹西壑欲
沾裳有廟旌遺愛無金歸故鄉未知忠定者先
請問崇陽

奉寄筠巢翁

昔別筠巢叟如今是幾年華巔將望百碧玉屢
添年寥寥千古下望望五峯前何日扶溪棹還

來別老仙

鄧御史公輔寄新刻陳君舉論孟古義復以是詩

兩漢非三代人才逐世低市朝多畫虎文字笑
醜雞古義昭昭對終篇短短題不因歐六一爭
得見昌黎

張綱

漢廷張御史何事便埋輪欲作千年計都忘一
個身堂堂見意氣默默愧經綸却恨程明道冊

青失寫真

吳節婦

江山逢此會真地作光輝路轉扶溪北山來越
嶺西春光流聖澤明月照霜帷碧玉遙相賀雲
中臥賦詩

注海北詩至

西所今亾矣皇穹肯不仁眼中還見此天下豈
無人海濶書頻至神交夢亦真人間秋半後回
首一沾巾

白沙先生集 卷七 五
誠至通金石乾坤正惜君懷沙人不見修古恨
空聞歿世能千載還山但一墳海山今夜月空
照水中雲
望望白泮水滔滔碧玉流白頭聞有是傾蓋忽
相投天柱峯常在神龍雲正浮悲歌掩圖畫淚
落不能收
英雄滿襟淚不灑兒女胸窮愁當盡夜浩歎起
秋風幾點星初落千峯日未紅高樓慵引望興
盡一宵中

示景易

長鯨千里鬣靈物一生奇化成端有日潛躍貴
因詩感應天終定早暮命難期信知抱甕是安
事桔槔爲

題丁長官祠

千山多雨後百姓苦饑時老病無人問低回只
自知百感觀空盡扁舟適楚遲詩成遠莫寄分
付長官祠

漫筆

白沙子全集 卷七
行年七十二七十一年非漁樵真有分語默各
因時比恨四愁具方年百玉衰未行元屬我天
命更由誰

題筠巢卷

手把筠巢卷口詠筠巢詩白頭心折處碧王夢
醒時夢將人待遠心與此君期想見千林暮還
同一鶴棲

寄張梧州克修

還家臣職盡攝守郡符新心同端溪水跡比峽

山雲朝野無交牘桐江有釣綸時無張刺史脚
板但空聞

贈黃化州歸莆田

有客來何處多年守化州白雲秋自好碧玉自
相投日月催人去行藏悵此休武夷洗足罷回
首望羅浮

枕上偶憶舊遊南海祠因懷故友林暕

子覺饒英氣攜書話此宮清祠無厲鬼大水有
真龍過客窺諸葛論詩病長公往來三十載美

惡併成空

臥遊上游庄

上游何處是試唱上游歌入澗花迷路出門雲
滿蓑景勝開圖畫春香醉綺羅靜對南岡頂月
明秋更多

次韻荅鄺筠巢

飄飄八紘外遠意竟誰分我抱三年病天生幾
樣人十年營一壙萬骨掩孤墳休休莫復論局
促此乾坤

次韻遊上游黃雲山

繫艇黃雲下黃雲幾度歌登高雲壓帽度密雨
沾蓑瀑澗宵鳴瑟山花晝擁羅野人攜茗榼路
打鐵橋過

荅容北溪見訪

曲徑黃雲外青山一路深卷爲乘興地人間何
處尋白龍三畝水紫府萬回心錦囊桃不去千
峯暮色深

中秋撥悶用舊韻

疎星圍碧玉秋氣正平分共持今夕酒又減去
年人白髮來千丈青山忽數墳年光付流水萬
物信乾坤

晚有悲秋意秋來此夜分可憐清夜酌盡是白
頭人紫蓋終攜病朱陵願卜墳誰能天地外別
去覓乾坤

諱日

雖貧還講諱茲事俗之常時節難虛度杯盤祗
自傷五鼎終難具千秋敢易忘痴兒雖未了清

